

DE DIAGNOSI AFFECTIO-  
NUM CUTANEARUM  
SCORBUTICARUM.

.....  
DISSERTATIO INAUGURALIS MEDICA,

QUAM  
CONSENSU AMPLISSIMI MEDICORUM ORDINIS

IN  
UNIVERSITATE CAESAREA LITERARUM  
DORPATENSI ,

UT GRADUM

DOCTORIS MEDICINAE

LEGITIME ADIPISCATUR,  
LOCO CONSUETO PUBLICE DEFENDET

AUCTOR  
*JOHANN. CAROLUS DE DRESSLER,*  
CURONUS.

.....  
DORPATI LIVONORUM.  
TYPIS J. C. SCHÜNMANNI, TYPOGRAPHI ACADEMICI.  
MDCCXXVII.



Imprimatur,  
ea tamen conditione, ut, simulac typis excusa fuerit  
haec dissertatio, antequam distribuatur, septem exem-  
plaria ei Collegio, cui censura librorum mandata est,  
mittantur.

Dorpati Livonor. d. xii. Mens. Novbs. mccccxxviii.

Dr. J. C. Moier,

Decanus.

D 16606

### Introductio.

Cum post receptas extrinsecus diversissimi gene-  
ris materias iisdemque, multum a se invicem  
recedentibus, rebus externis restitutis, eadem  
semper in humorum massa peculiares mixtionis  
mutationes consequuntur, quae igitur penes sin-  
gulos homines, in quibus saepe sub conditioni-  
bus externis valde diversis apparent, morborum  
formis definitis atque in universum perpetuo se-  
cum constantibus manifestantur quaeque, si ad  
organou cutaneum referantur, nunquam non  
morborum cutaneorum formas characteristicas  
provocant: has quidem in humorum massa mu-  
tationes Dyscrasiarum nomine insignimus,  
quamvis earum naturam sufficienter explanare  
hanc valeamus. Nam quodcumque de interna  
earum ratione scimus, vel conjecturis nititur, vel  
e phaenomenis in conspectum cadenibus, quae

has morborum formas characteristicas, mixtionis conditionibus provocatas, comitantur, ab experientia desumptum est. Vis vocis „dyscrasia“ hic sensu strictissime definito ac scientifico accipitur, quum haec ea tantummodo mixtionis vitia exclusive comprehendat, quae a valde diversis impulsibus orta, semper sibi consentiunt ac similia semper morborum phaenomena provocant. A morbis miasmaticis et contagiosis status morborum dyscrasici partim eo distinguuntur, quod non, ut illi, materiis specificis, miasmate et contagio provocantur, partim eo, quod in illis nulla infectionis materia evolvitur, quae morbum specificum ab uno individuo ad alterum propaget. Attamen jam hoc loco disfiteri non possumus, morbos, e dyscrasia originem repetentes, hic illic infectionem adducere, tum vero morbis contagiosis esse admirandos; sed id semper magis per exceptionem fieri et major symptomatum morbosorum numerus non infectionis ope accidere debet; qua in re probabile adhuc semper videtur, ibi tantum infectionem locum habere posse, ubi universim conditions ita comparatae sunt, ut omnino dyscrasia, quae hoc in casu infectione contingit, facile evolvi potuisset. Sic e. g. achores, cancer etcet. ibi duntaxat inficere videntur, ubi in universum ad excolendum habitum dyscrasicum, causam eorum continentem, proclivitas quadam adest. Utique tamen dyscrasiae notio indefinita adhuc relinquitur et nominatum omnes sere morborum formae, in quibus humorum massae mutationes observantur, qua dyscrasici morborum status possunt considerari, v. c. morbus arquatus senicterus, morbus coeruleus, urticaria et alii. Ad

constituendam hanc notionem opus adhuc est ut definiatur, quomodo habitus morborum dyscrasici ab humorum decompositionibus fortuitis ac simplicibus sit distingnendus. Hoc respiciendo, ibi duntaxat dyscrasiam statuimus, ubi humorum vita sensim tantum ac pedetentim excoli possunt, ubi etiam humorum mutationes, semel ortae, stabiles permanent ac naturae conatibus exaequantibus vel nunquam, vel lente tantummodo et conditionibus imprimis commodis praesentibus removeri queunt, ubi denique eadem, sibi ipsis commissae, serius vel ociosi cachexias generales provocant, communiter exitum mortiferum adducentes, in quibus status humorum decompositus apertius semper manifestantur et quae, hac forma exulta, interdum contagiosae sunt. Contra tanquam vitia humorum simplicia ea consideramus, ubi humorum mutationes memoratae modo cito modo tarde excoluntur, ubi humorum vitium eadem facili opera iam curandi conatibus naturae quam artis beneficio removeri rursus potest, ubi in eo casu, quo natura aut ars curationem perfigere haud valet, nunquam non sive vita organica, sive insignis quaedam, nec humorum temperationi accomodata, virium vitalium imbecillitas culpm rei sustinent et ubi his tantum sub conditionibus in cachexiam transit, cum communiter, sibi ipsi commissum, sponte evanescat. Denique vitium humorum simplex nunquam contagium provocare poterit. Generatim forte inter ambos morborum status hoc adhuc momentum distinguens constitui posset: in dyscrasia proprie sic dicta humorum decompositio. saltem ab initio, praevalet et universalis virium habitus minus perspi-

cue afficitur, cum in dyscrasia curandi methodus morbosae humorum mixtioni exactius renatur, in vitiis humorum simplicibus contra vires morbose aberrantes aequa ac contra humorum mutationem directa sit. Denique subjungi potest: ubi in dyscrasiae decursu vicia organica prodeunt, haec ab humorum mutatione producuntur, ubi autem in simplicibus humorum vitiis observantur, sive coëxistentia sunt, sive minatae humorum mixtionis causae. Omnino et his definitionibus nequaquam strictissima inter amhos statutis morbosos chemicos distinctio profertur atque hic, ut saepe fit in disciplinae nostrae studio, plura adhuc singulorum iudicio committuntur; attamen, singulis forte casibus exceptis, semper ad dyscrasiam a simplici humorum decompositio- ne distinguendam sufficient.

Quod igitur specialiter dyscrasiam attinet, ei quidem status morbosos universales sequentes attribnere solemus, qui simul omnes nunc magis nunc minus qua morbi cutanei manifestantur: chlorosin, scorbutum, scrophulas, carcinoma, Arthritis, rheumatismus et catarrhus, si forma sua propria ac pura apparent, ad morbos dyscrasicos haud pertinere existimaverim; sed ubi hi morbi habituales redduntur, frequentiori mali redditu peculiaris quaedam ac stabilis humorum decompositio evolvi videtur, quae a mutationibus, in decursu acuto horum morborum, quoad humorum massam, accidentibus, valde recedens appareat, quam adeo optimo jure arthriticae, rheumaticae et catarrhalis dyscrasiae nomine designamus. Hinc arthritis, rheumatismus et catarrhus in pura sua forma ad morbos, ex arthri-

tica, rheumatica et catarrhali dyscrasia ortos eandem habent rationem, quam causa ad effectum; quare, per se spectati, hi morbi non sunt dyscrasiae, facile vero ansam ei possunt praebere, si humorum vicia, in iis occurrentia, non corrigun- tur et exaequantur. Quoad lepram, difficile definitu est, num majori jure contagiosis aut dyscrasicas morborum statibus sit anumeranda. Neque hucusque exploratum jam est et perspectum, num leprae contagium fixum tantummodo vel simul vocatile sit censemendum. Si majorem spectamus observationum numerum atque hinc judicii nostri rationem repetimus, lepra non est contagiosa, ideoque jure utique dyscrasias foret adnumeranda, cum ejus origo, decursus, insanabilis plurimis in casibus solius naturae ope conditio, in universum peculiaris ejusdem habitus hunc locum ei vindicet. Cel. Prof. Dr. Struye ergo eam quoque statibus morborum dyscrasicas adnumerat, cuius autoritatem hic sequor. Denique adhuc specialem quandam morborum formam, post haud convenientem usum Mercurii medicinalem, raro alio modo orientem, statibus morborum dyscrasicas adsignamus, quia nemo non peculiares in humorum massa mixtionis mutationes hac in forma agnoscit. Fortasse eodem jure plures morborum casus, qui assumta alia venena, nominatim metallica, se- quuntur, huic classi essent inserendi; verum enimvero nimis raro occurunt, justo minus sunt explorati atque non ita qua morbicutanei mani- festantur, ut hic operam eis liceat impendere.

Hoc prolegomeno, quo sententiam meam de vera dyscrasiae natura breviter expcsui, absoluto, jam ad proprium commentationis meae inauguralis

argumentum transeq. Brevem enim phaenomenorum scorbuti, qua morborum cutaneorum formae, expositionem exhibere mihi proposui, qua in re partim phaenomena scorbuti genuini, qua mali cutanei, partim morbos adfines, si modo qua morbi cutanei manifestantur, Lectoribus benevolis ab oculos ponere conabor.

### Argumenti tractatio.

Haec nostra commentatiuncula id tantum spectat, ut de acrimonia scorbutica, qua diversarum affectionum cutanearum causa agatur. Dyscrasia scorbutica, cuius praesentiam non solum in scorbuto, genuino terrestri et maritimo statuimus, sed etiam, forma quidem variata, qua momentum causale petechianoseos exulta, stomacaces ac multiplicium exanthematum cutaneorum chronicorum consideramus, magis vel minus perspicue habitu quodam humorum dissoluto, ad decompositionem per putredinem proclivi, cognoscitur. Quamvis scorbutum et omnes morbi, quoad formam et naturam ei adfines, neutiquam tantum qua morbi humorum chronicorum manifestentur, ac uominatum in iis omnibus status irritabilitatis et virium agentium systematis irritabilis corruiens ignorari non possit. semper tamen sanguinia et humorum habitus dissolutus et ad putredinem propensus praevalere et nequaquam sufficienter ex insuffititate systematis vasorum sola explicari posse videtur, quoniam alioquin omni explicandi ratione desinueremus, cur non omnibus in casis-

bus, ubi statum irritabilitatis et energiae systematis vasorum collapsum observamus, scorbutus quoque oritur. Ipsa prima scorbuti origo, quae ex mala aëris conditione, cum nimis materiis e regno animali est repletus et principii oxygenii inopia laborat, giguitur, uti e. g. in nimium inclusis navium fundis vel in oris maritimis septentrionalibus Sueciae, Norvagiae, Scotiae, Angliae et forsitan etiam Hollandiae animadvertisit, ubi per totius fere anni intervallum nebulae dominantur humidae ac sanitati noxiae, ubi porro aëris perpetuo insigillum aquae et azotici continet copiam. Nec minus recentium alimentorum penuria, ciborum fortiter sale conditorum aut corruptorum usus, atmosphaera humida, permadefactorum hominum affectio etcet., magna cum probabilitate characterem horum morborum primitus chemicum innuit. Atque ipsa illa observatio, quod morborum formae scorbuticae illaes a febre integra omnino viagendi organica occurrere possint, uti hoc in morbo maculoso Werlhofii et stomachace locali animadvertisit, certo cuidam independentiae gradui decompositionis humorum chemicae a generali virium hoc in morbo statu aperie patrocinatur. Denique etiam humorum decompositio, dyscrasiae scorbuticae prorsus analoga, in febre putrida potest evolvi; quam hauc ob causam solummodo qua dyscrasiam consideramus, quia febris decursui adstricta, cum ea simul incipit et cessat. Si igitur humorum decompositio in scorbuto certo quodam gradu non foret libera et soluta, intellectu hanc perciperetur, cur scorbutus non semper qua febris putrida decursum suum absolvat. Peculiaris dyscrasiae scorbuticae indo-

les in sanguine et humorum massa plus vel minus incipientis decompositionis phaenomenis manifestatur. Sanguis, exulto scorbutico habitu, perspicue est decompositus, quod morbo incipiente minus est conspicuum. Sanguis e vena detractus ater est vel in colore sub-cinereum vergit, post brevem temporis moram cuticula quadam viridi obtegitur, multum seri continet, cito in putredinem transit et inopia cruxis et materiae fibrinae laborare videtur; iuprimis vero manifeste proclivitas ad decompositionem in humorum massa durante vita in secretionibus normalibus et abnormibus prodit, porro in sanguinis profluvii colligativis, in diarrhoeis foetentibus, in urina brunea maleque olienti et s. p. Post mortem in vasis sanguis fuscus, nigricans, bruneus ac dissolutus reperitur, nec raro effusiones seri cujusdam corrodentis in cavitates aut in telam cellularem, loci discolores, specie gangraenosi in intestinis, cor flaccidum ac pallidum, lien marcidus et corrosus, musculi coloris lividi et crebro tam corrosi deprehenduntur, nt, manibus contacti, dirumpant; ossa conspicuntur rigida, cariosa, fragilia aut praeter naturam mollia, praesertim eorum epiphyses, quae facile ab ossibus primariis disjunguntur, \*) uti et cadavera brevissimo temporis momento in putredinem abeunt.

Cum phaenomena scorbuti ac morborum scorbuticorum ceu notissima praesumo, ad ea tantum phaenomena hic provoco, quibus exparte verus scorbutus qua morbus cutaneus manifestatur quibusque, praesente diathesi scorbutica, morbi

cutanei hic orientes, tanquam ex hac diathesi prodeuntes cognoscuntur.

Ad descriptionem scorbuti, qua morbi cutanei pertinet cutis quaedam modo magis flacida et laxa, modo magis rigida, siccata, surfuris modo saepe decedens; aegrotus progrediente cachexia adspicunt praebet collapsum, in colore subflavum, sub-viridem vel sub-coeruleum vergentem. Jam prius formantur maculae majores vel minores, communiter irregulares, sub-flavae, sub-virides, satis discolorae aut sub-coeruleae, quae serius nigricant vel atrae fiunt et, si in eo sunt ut evanescant, rursus temperatione colorum sub-brunea, sub-viridi vel sub-flava in sanum cutis colorem transeunt. Harum macularum eruptioni saepe intumescentia quaedam, tabulam referens, extremitatum circa pedis malleolos et carpum praecedit, quae, ex parte saltem, sedem suam in cute figit et cum tinctura sordido-flava harum partium conjuncta est. Serius istae maculae increscent, vel verae formantur ecchymoses. Partim his e maculis, partim e tumoribus mollibus, colore sub-coeruleo tinctis, cito in cute se attollentibus, partim e veris bullis, sero sordido-bruneo vel sanguine liquido repletis, ulcera putrescentia efformantur; haec plerumque sunt depressa, cum marginibus cutaneis sub-coeruleis, laxis et quasi disjunctis, eorum superficies spongiosa est, facile sanguinem emittit et facile super cutis superficiem exuberat; quodsi hae excrescentiae resecantur vel liquore mordaci corroduntur, semper tamen celeriter rursus progerminant; nunquam pus benignum secernunt, sed substantia sub-

\*) Lind. l. c. p. 391 — 397.

brunea et mucilaginosa, communiter sanguinis striis intermixta, abductae sunt, vel ichorem tenuem, foetentem, sanguineum secerunt, vel ex iis sanguinis dissolutus magna saepe copia profluit, et, cessante sanguinis profluvio, ulcus tenui sanguinis paullum coagulati strato obtegitur. Ejusmodi ulcera si consanescunt, hoc non, ut in aliis ulceribus, fit a margine, sed e medio versus peripheriam. In ejus enim fundo plures quasi insulae oriuntur, semper magis se extenderentes et hoc modo tandem cicatrizationem efficientes\*). Serius haec ulcera et altius serpunt, ad ipsa usque ossa penetrant atque haec cariosa reddunt, uti et in iis etiam facilime gangraena excollitur. Laesiones cutis fortuitae pluribus in casibus hunc adoptiant habitum. Denique scorbutus senioribus adhuc temporum intervallis leucophlegmatia et cutis oedemate, ut et sudorum frigidorum, glutinosorum, foetentium, imo sanguineorum praesentia manifestatur. Secundum Haase\*\*) et Richter\*\*), hi in tertio demum scorbuti plane exculti stadio et qua signa colliquationis universalis prodennit. Milman\*\*\*) itidem affirmat, sanguinis profluvia, saepe mortisera, e cute externa, sine vulneris cuiusdam indicio, symptomata stadii

ultimi exculti esse scorbuti; Boerhaeve similiter monet, talia sanguinis profluvia ultimo scorbuti stadio occurrere, his quidem verbis, „haemorrhagiae saepè letales ex ipsa cute externa, non apparente vulnera, proveniunt.“

In scorbuto oris seu stomachace, scorbuti quadam forma, ubi malum localiter in oris cavo residet, nullum, si faciem et totum aegroti habitum, saepè parum tantummodo cachecticum, exceptis, affectionis cutaneæ vestigium observatur, neque adeo non probabile est, décompositionem humorum hic obviam, quoad maximam partem, processu decompositiōnis locali, qui, altiori passionis gradu obtinente, pūtreo vera localis est nominanda, exacquari, quapropter etiam hac in forma dysphoria generalis multo minor, saltem ab initio, animadvertisit.

In petechianosi contra seu morbo maculoso Werlhofii affectio cutanea apertius prodit, interim tamē a vero scorbuto quibusdam distinguitur proprietatibus. Quamvis communiter maculae, pùlicum pùticularis similes, veræ petechiae, rarius autem, morbo jani excuto, insignes quoque sugillationes formentur, hae tamē crebro colore magis sub-rubro et sub-coeruleo sunt imbutae, raro tam nigricantes quam in scorbuto; nunquam in ulcera transeunt, sed potius singulae, vesicularum formam adoptantes, attolluntur, quae dehiscent ac tum immixtia, et vix inhibenda sanguinis profluvia efficiunt, nunquam, ut his in laesionibus cutis localibus fieri solet, in ulcera cacoëthica abeunt, similiter vero sanguinis profluvia haud coercenda adducunt. Nun-

\*) Rust l. c. p. 19. Richter l. c. T. V. p. 769.

\*\*) l. c. T. IV. p. II.

\*\*\*) l. c. T. V. p. 769.

\*\*\*\*) l. c. p. 59.

quam hoc in morbo putrescentem videmus gingivam, quae in scorbuto a dentibus retrahitur atque hos nudat, quo facto dentes laxi redduntur et nigrescunt, excidunt, inno ipsa consequitur maxillarum arthrocace, cum e contrario in scorbuto nunquam sanguinis profluvia e maculis in cute prodeuntibus et ecchymosibus, in petechianosi in praecipue characteristica, observemus. Idem in petechianosi tumor deest, tabulam seu asserem referens, neque extremitates inferiores ita corrumpuntur ut inutiles evadant, quae symptomata in scorbuto tantum sunt obvia. Denique in petechianosi crebro tinctura quaedam cutis flava et universalis quidem deprehenditur, vel verus idemque praevalens icterus, qui saepe morbo incipienti praecedit, ita ut verisimile videatur, hanc dyscrasiae scorbuticae formam cum systematis hepatici turbatione semper esse conjunctam. Quod hic etiam dysphoria universalis aliter appareat et alia cuncti ratio sit adhibenda, tanquam rem notam hoc loco pono.

Ut autem dyscrasia scorbutica in scorbuto magis et fere exclusive cavioris affectione manifestatur, ut petechianosis forma sua minus exulta cutem similiter omnino non attingit: sic vero etiam haec dyscrasia propemodium vel prorsus exclusive in organo cutaneo potest prodire atque hinc formiae morborum cutaneorum scorbuticae peculiares oriuntur, quas autem tum tantum qua revera ex hac dyscrasia prodeentes considerare licet, si, quod in morbis cutaneis scorbuticis est characteristicum, prae se ferunt. Consentaneum est, dyscrasiam scorbuticam hic

nondum sumnum attigisse gradum, alioquin enim malum forma exulta vel qua scorbutus genuinus vel qua morbus haemorrhagicus Werlhofii agnosceretur, sed potius minus perspicue expressum apparere illud debet, ut humorum decompositio maximam partem in affectiones cutaneas possit abire. Ejusmodi morbi cutanei, quoad formam suam, vel cum maculis, suggestionibus et ulceribus veri scorbuti, vel cum petechianosi perfecte congruunt, ubi reliqua tantum phaenomena generalia hujus dyscrasiae desunt, vel peculiaret sistunt formas, e quibus quatuor nobis innotuerunt, videlicet 1) Lichen lividus. 2) Purpura urticans. 3) Psydracia scorbutica et 4) Ephelis scorbutica Aliberti, quarum diagnosin nunc constituere conabor.

I. *Lichen lividus*. Lichen modo magis singulatim existit, modo magis coacervata est papularum inflammatarum eruptio, quae cerebrime adultos invadit. Singulae papulae in universum paulo sunt maiores quam in strophulo, quamvis vix 2 lineas in diametro continent. Istud cutis exanthema communiter cum molestiis tantum modice vexantibus consociatum reperitur, nominatim cum turbatae digestionis symptomatibus, atque syphilitici duntaxat et leprosi lichenes, qui a Cel. Professore Struve nominibus Lichenis lenticularis et Lichenis cuprei in praelectionibus designantur, cum insignibus symptomatibus febrilibus et Lichen lividus cum dyscrasia scorbutica conjunctus apparet. Interdum lichen quoque phaenomenon est symptomaticum, alias morbos acutos consequens. *Lichen lividus*, de quo solo nunc no-

bis sermo est, secundum Willan<sup>\*)</sup>), papulis coloris fusco-rubri vel flavi sit conspicuus; praecipue in brachii et cruribus oritur, quandoque vero etiam in alias corporis partes excurrit; periodis plane indefinitis cum levi epidermidis desfoliatione exitum capit, postquam communiter nova eruptione locum habet, ita ut malum per plurimum mensium spatium moretur. Homines infirme constitutionis, tenui victu utentes et gravibus corporis laboribus perfungentes sine symptomatibus febrilibus aggreditur, praeterea etiam adolescentes et infantes, incommodis vitae conditionibus versantes et sufficiente corporis motu carentes. Interdum hic lichen petechiis vel maculis purpureis majoribus, ipsis adeo vibicibus intermixtus, conspicitur eoque propiorem suam cum formis morborum scorbuticis affinitatem probat, ut etiam causae amborum excitantes ejusdem sunt generis. Cum inter hunc lichenem lividum et lichenem lenticularem utique quaedam animadvertisatur similitudo et ipse Willan afferat, fieri posse, ut et cum lichenem cupreo petinatur, quem tamen quæ peculiarem speciem haud descripsit et qui aliquatenus cum licheni lenticulari convenire videtur, licet nunquam sere in pustulas purulentas et ulcera transire soleat, ut Willan<sup>\*)</sup> de eo contentit: quomodo ambo sint distinguendi, jam exponere mihi proposui:

<sup>\*)</sup> I. c. p. 35.

1) Lichen lividus exiguis papulis prodit quarum externa species paulum discolor est cum contra lichen lenticularis pustulis majoribus splendentibus coloribus tinctis, distinguatur.

2) In licheni livido symptomata scorbutica simul apparent, quibus lichen lenticularis caret, quorum loco simul symptomata syphilitica et leprosa occurunt.

3) Lichen lividus saepe eruptiones repetit et sponte potest evanescere, cum lichen lenticularis, semel ortus, coimmodae tantummodo medendi methodo cedat.

4) Lichen lenticularis quandoque in psoriasis transit, quod in licheni livido ita non est.

Cum licheni etiam chronicus lichen lividus permutari posset, sed hic ab illo discernitur:

1) Eruptione multo universaliori et constipationi papularum, quae saepe perspicue symplegmatibus connexae prodeunt, sed nunquam sponte evanescunt.

2) Minori papularum tinctura, quae modice tantum rubentes conspiciuntur, cum in licheni livido fusco-rubrae vel bruneo-flavæ apparet.

3) Simultanea symptomatum syphiliticorum vel leprosorum praesentia, cum hic contra diathesos scorbuticae signa adsint.

II. Purpura. Genus, a Willan purpurae nomine distinctum, 5 diversas nobis offert species, quarum duae primae, purpura simplex et haemorrhagica nostram formant petechianosin, quam jam superius commemorando, morbum cutaneum pronuntiavi. Superest igitur, ut hic

breviter de ejus purpura urticante et purpura senili, a Batemann primo in opus suum chalcographicum recepta, disseram, cum purpuram contagiosam, febrem nostram petechiam, ex mea quidem sententia, nequaquam e dyscrasia quadam longius morante progrediens, malis cutaneis scorbuticis adnumeratae non liceat.

a) *Purpura urticans*<sup>\*)</sup>. Secundum Willan<sup>\*\*)</sup> purpura exanthema est, e parvis, manifestis punctis ac maculis coloris purpurei constans, quod ab infirmitate universalis, non tamen semper a febre comitatum et cum dyscrasiae scorbuticae signis conjunctum est. Haec purpurae forma initium capit cum epidermidis tuberculis duris, sub-rubris et sub-rotundis; parvi isti tumores a principio gradatim increscent, intra horarum 24 spatium vero ita rursus collabentur, ut cum epidermide, eos cingente, planum quoddam aequale efforment et simul imaculas rubro-coeruleus ejusdem ambitus mutantur. Durante nocte maculae paulum attolluntur et color earum bruneo-coeruleas cum pañulo ruboris temperatus reperitur; versus tempus matutinum semper priorem conditionem denio recipiunt et tum coloris sunt magis fusci et non supra cutis superficiem elevatae. Neque etiam sunt stabiles, sed diversis locis successive apparent, praesertim in cruribus, sed interdum etiam in femoribus, brachiis, in pectore et s. p.

<sup>\*)</sup> Bateman l. c. Plate 29.

<sup>\*\*) l. c. p. 345.</sup>

In cruribus et brachiis inter eas saepe petechiae prodeunt. Mora hujus mali diversa est; saepè 3 ad 5 hebdomades perdurat et hoc tempore manus et malleoli tumore quodam oedematoso corripiuntur, qui in scorbuto occurrenti plane similis est. Symptoma quād maxime molesta sint: magna imbecillitas et infirmitas, ita ut et ciborum appetentiae defectus; sanguinis vero profluvia et febres, secundum observationes a Willan institutas, nunquam cum ea sunt consociata, quae semper purpuram haemorrhagicam comitantur. Communiter purpura urticans aestate et atimum conspicitur et primo homines invadit quotidie gravibus laboribus vires consumentes, qui alimentis pravis ac tenuibus nutriuntur, secundo feminas juniores et teneras, vitam luxuriosam degentes et corpus parum motu exercentes. In posterioribus quandoque macularum caerulearum phænomenon, antequam anasarcae vestigia apparet, inventur, etura dura suut et tensa, ita ut rigidus eorum habitus ambulationem difficultem reddat et aegrotas cito fatiget.

b) *Purpura senilis*<sup>\*)</sup>. Haec purpurae forma neque a Willan neque in prioribus operis Batemannii de morbis cutaneis editionibus allata est. Bateman serius nonnullos ejus casus observabat, qui semper characterem ostendebant valde aequabilem; corripiebat tantummodo mulieres senescentes, praesertim in parte externa

<sup>\*)</sup> Bateman l. c. Plate 30.

antibrachii, pedetentim erumpentibus fusco-purpureis maculis formae irregularis et diversae magnitudinis manifestabatur. Quaevis earum 7 — 10 — 12 dies in cute permanet, antequam sanguis effusus est resorptus. Perpetua harum ecchymoseon eruptio in casu quodam intra decem annos observabatur, in aliis durante haud mediocri temporis intervallo atque in omnibus casibus brunea cutis brachialis tinctura perpetuo relinquebatur, sanitas non tam intime affici videbatur, quam in aliis purpurae formis.

III. Psydracea scorbutica. Scabies spuria, Pfora spuria, Psydracea cognoscitur vesicularum parvarum, singulatim magis conspicuarum, in basi sua rubentium, in apice sero quodam pellucido vel turbido repletarum, praesentia, quibus in universum vis insidiendi deest, quamvis a scabie lymphatica, ab ipsa purulenta, ac si, ut saepius animadvertisit, et papulae singulae, sub-rufae eis sunt intermixtae, a scabie adeo papulosa, per speciem externaliam vix discerni possint, atque eo minus cum et earum decursum dysphoria quaedam universalis eaque non mediocris comitetur. Ad haec exanthemata, scabiem referentia, a scabie genuina distinguenda, sequentia erunt resipienda:

1) Vera scabies exclusive per infectionem oritur, licet haec non semper possit ostendiri, cum e contrario scabiem spuriam a diversis aliis cum internis tum externis causis derivari liceat, ac rarioribus tantum in casibus, si e. g. venenum syphiliticum subjacet, infectionis via latius possit propagari.

2) Scabies genuina communiter inter digitos apparere incipit ac plerumque quam maxime circa juncturam manus et cubiti, ubi et in articulo pedis ac genuum excolitur, denique semper faciem a morbo relinquit immunem, cum contra scabies spuria iu quovis corporis loco incipere possit et erumpere, ipsi faciei non parcat et nominatim non tam definite in articulorum regione excolatur.

3) Scabies genuina semper malum cutaneum est primarium contagiosum, cum scabies spuria nisi ab impulsibus externis definitis oriatur, nunquam non phaenomenon morbosum secundarium et symptomaticum sit existimandum.

4) Scabies spuria raro tam universaliter quam genuina diffunditur, non facile tantas excitat exsudationes ut scabies purulenta, neque escharis impetiginosis et ulceribus ansam praebet.

5) Vera scabies usu interno et externo sulphuris curatur, quae remedia sulphurica ad currendam psydraceam saepe nihil conferunt, imo haud raro sunt damnosa.

Varias psydraceae formas, quae duntaxat secundum causas excitantes in eam distribui potest, quae exterius causis ortum debet atque in talem, quae cum conditionibus morbosis internis est eopulata, hoc loco praetereo et solummodo psydraceae formam, cum diathesi scorbutica vel scorbuto penitus exculto praodeuntem describam. Ista exanthemata, scabiem aemulantia, statu simultaneo scorbutico eoque quod communiter inter maculas scorbuticas et ecchymoses apparent, facili opera distinguuntur. Pustulac ipsae tubercula dura formant, quibus insident et

haud raro in formam bullosam majorem exco-  
luntur, quae a Cel. Professore Dr. Struve in  
praelectionibus sub Phymatis nomine assertur,  
ad cuius descriptionem, paulo inferius exhib-  
itam, Lectores benevolos relego. In omnibus  
corporis partibus possunt prodire, communiter  
autem ad extremitates superiores et inferiores  
restringuntur, et haud raro, praesertim ubi fre-  
quentiora erumpunt et confluant, in ulceris  
scorbutica transeunt. Ioannes Peirus Frank \*)  
similiter de psydacea scorbutica: „in scorbuto,  
inquit, apud illos, qui carceribus aut navibus  
angustis detinentur, aut in locis uliginosis, im-  
puris, vitam ducunt, ad cutem pustulae oriun-  
tur, quae, eis psorae figuram et pruritum ha-  
bentes, non tamen a methodo in psora laudata  
superantur.“

Phyma bulla quaedam est, fluido quo-  
dam, puri simili, repleta et qua forma bul-  
losa major psydacea potest considerari. Ori-  
tur sub inflammationis symptomatibus modo mag-  
is modo minus manifestis, inter quae epider-  
mis celeriter attollitur, quo facto bullula pure  
repleta jam erumpens appetet. Hae bullae com-  
munitur valde singulatum ac dispersae in cute  
deprehenduntur atque praecipue in cruribus et  
brachiis, quoad posteriora, in digitis efflores-  
cunt. Magnitudo earum diversa est et cum  
ambitus parvae nucis avellanae quandoque re-  
ferant, ovi modici columbini interdum ampli-

tudinem sequuntur. Symptomata localia, qui-  
buscum in cute prodeunt, diversi sunt generis.  
Gum pemphigo tantum phyma permutari potest,  
a qua tamen perspicue purulento bullarum con-  
tentu, quod in pemphigo semper materia est se-  
rosa, distinguitur, item semper sere phaenome-  
num duptaxat est symptomaticum. Secundum  
observationes praceptoris mei honoratissimi,  
Cel. Professoris Dr. Struyii, tres numerantur  
species, e quibus hic phyma tantum scorbutic-  
um mihi est describendum. Haec phymatis  
species magnum cum furunculis ostendit simili-  
tudinem ac rarissimis observatur. Apparent videlicet  
singulare bullae purulentae, in membris  
corporis dispersae, quae supra fundum caeruleum,  
papulum durum et elevatum, hanc ipsam  
ob causam similitudinem cum parva furunculo-  
rum specie prodentem, depresso ad magnitu-  
dinem lupinorum attolluntur, et per aliquot  
dies in cute permanent, quo facto disrumpuntur  
et in fundo caeruleo ulcusculum depresso  
relinquent. A furunculo hoc malum manifesta  
bullae purulentae praesentia et minori caeruleorum  
cutis tuberculorum sensibilitate discer-  
nitur.

IV. *Ephelis scorbutica Aliberti*. In  
una vel pluribus cutis partibus omnipium eorum,  
qui in carceribus vitam degunt, qui aerem pe-  
stilentem inspirant, qui nunquam linteum commu-  
tant et cert. conspicitur qua macula magni am-  
bitus, coloris sordido-rubello-sub-brunnei, cui  
quaedam cum fuligine pinea similitudo potest  
attribui. Ejusmodi maculae cuti foedissimum ac  
fastidiosum conciliant adspectum. Communiter

\*, l. c. p. 182.

haec ephelis in inferiori pectoris parte, in dorso, in externa brachiorum ac femorum parte observatur; interdum per totam corporis superficiem diffunditur. Cum ecchymosibus commutari oon debet, quae creberrime in extremitatibus inferioribus occurunt et macularum scorbuticarum nomen gerunt. Ephelis scorbutica formas valde diversas adoptat, interdum maculas rotundas et sub-rotundas format; alis in casibus maculae irregulares apparent, hic illuc dispersae, denique et tota cutis mutata potest esse et nigricans. In quibusdam hominibus pectus splendens et laeve animadvertisit, in aliis manu contactum, immanis est asperitatis. Nec raro observatur, humeros furunculis, tumoribus sanguineis et apicibus purulentis obtagi. Prodit tum parvarum crustarum, e vehementi fricatione aegrotorum orientium, ad quam intollerabili pruritu fere coguntur, hand mediocris copia: Alibert \*) affirmat, in quibusdam corporis partibus cutem, quoad speciem externam, cuti anserinae videri similem. Inter varietates, in ephelide scorbutica occurrentes, duae sequentes observatione dignae videntur:

1) Ephelis scorbutica nigro-maculata. Haece vulgaris est species. Praecipue deprehenditur ubi inopia ac miseria sedem fixerunt, apud homines videlicet in carceribus languescentes vel locis inclusis humidis et insalu-

bribus morantes. Inserendum nullas format maculas, quia in tota superficie, in thorace, abdomine et toto corpore diffusa est.

2) Ephelis scorbutica variegata. Haec species, tabula chalcographica 27bis operis Aliberti quoque delineata, quam rarissime occurrit. Corpus eorum, qui hoc malo afficiuntur, aequo maculis obtectum est ac pellis leopardorum et certarum vaccarum britannicarum.

Ephelis scorbutica creberrime coloris est terreo-sub brunei; quandoque colori Chocolatae videtur similis, in aliis casibus fuliginis nigredinem prae se fert. Si cutis toto ambitu correpta est, aegroti purgatoribus caminorum sunt comparandi. Attamen cutem interdum locis nonnullis colorem suum naturalem retinere observamus. Loca cutis sana, quae nonnunquam satis insignia et toto corpore sunt disjecta, efficiunt ut cutis ceu tigrinis maculis varia, limbis circumdata vel nigris maculis conspersa appareat. Alibert ejusmodi vidit miserum, qui flebilem offerebat adspectum; Zebrae erat aequiparandus. In ephelide scorbutica autem tam vehementis pruritis quam in ephelide hepatica sentitur; hic pruritus praesertim transpirationis defectu et furunculis producitur, omnibus cutis punctis progerminantibus. Cum ephelis scorbutica jam veterascit, cum in primis in tota corporis superficie est diffusa, terribilem spargit odorem, nulli alii aequiparandum, quem vero illi facile agnoscunt, qui carceribus Dionysiopolis frequentaruni, ubi ephelis scorbutica quam saepissime occurrit. Sine dubio

\*) l. c. T. I. p. 396. sqq.

haec exaporatio, ab hominibus, nervis resolutis laborantibus et valde sensilibus, inspirata, plurimorum morborum putridorum causa potest existimari, qui certis anni temporibus his in regionibus humidis et insalubribus dominantur. Ut ephelis hepatica communiter homines invadit hepate laborantes, a qua complicatione et nomen est sortita, ephelis scorbutica e contrario individua tantum aggreditur, quae scorbuticas patiuntur affectiones, atque talibus in aegrotis diversa animadvertisuntur symptomata, scorbutum stipantia, e. g. relaxatio gingivæ, saepe adeo sanguinis profluvia aegre inhibenda, cessatio menstruationis apud feminas, vis muscularis jactura, macritudo et marasmus atque animi affectio tristis et melancolica,

Praeter formas morborum cutaneorum, modo descriptorum, dyscrasia scorbutica saepe adhuc cum aliis complicatur morbis cutaneis, qui tum semper hanc complicationem pluribus symptomatis characteristicis, scorbuticis duntaxat morborum cutaneorum formis propriis, cognoscendam dabunt, Liceat mihi ad nonnullos harum complicationum Lectorum animos advertere.

Quamvis erysipelas proprie scorbuto adnumerari non posset, interdum tamen in scorbuto prodit ac tum characterem, huius morbo peculia, rem, adoptat. Casus quidam, in clinico nostro a me observatus, eventus qui sequuntur exhibebat:

Aegrotus quidem, scorbuto excuto laborans, subito eresypelate faciei corripiebatur; tumor ab initio coeruleo-sub-ruber, altero die coeruleus et tertio plane atro-coeruleus conspiciebatur et per totum laevum faciei latus et partes capitis

papillati propagabatur. Dolor non admodum erat gravis et quae adderat febris, symptomatibus gastricis juncta, non ita vehemens. Die post eruptionem quinto in aere et genis parvae attollebantur vesiculae, lympha quadam turbida, seroso-sanguinea repletae. Interjectis diebus nonnullis, tumor desidere incipiebat, vesiculae crusta obducebantur, color coeruleus magis magisque rarecebat et jam cutis in genis quibusdam in locis decedere inchoabat. Erysipelas praesentia oriticam hoc in morbo vim habuisse videtur, nam ulcerum scorbuticorum species externa insigniter emendabatur atque haec cicatricibus obduci incipiebant; halitus foetens cessabat, gingiva firmior reddebat et parum defuit quin aegrotus pro sanato haberetur.

Furunculorum accessio in hominibus, dyscrasia scorbutica laborantibus, haud raro continet, atque hi etiam, ut reliquæ cutis affectiones, formam recipiunt scorbuticam, in locis cutaneis colore tub-coeruleo tinctis attolluntur, minns sunt dolentes, cum febre non conjuncti et in ulcera scorbutica transeundi proclivitatem produnt. Similiter Josephus Frank, \*) scorbutum quandoque cum plica polonica complicari, affirmat, cuius verba hic sequuntur: „Postremo et scorbutica diathesis haud raro cum plica societatem init, quod ex gingivarum potissime conditione, nec non ex haemorrhagiis, utpote plicae simplici non familiaribus, palam fit.“

Sine sufficiente utique ratione sententia de scorbutica plurium leprae generum endemicorum natura saepè proposita est. Nominatim huic sententiae adstipulantur auctores qui de lepra Norvagica egerunt, Radesyge et Spedalskhet \*\*) apellata, porro auctores lepram Tauricam \*\*\*) et Pellagram \*\*\*\*) tractantes et ipse celebratus Henslerus, quoad formas nonnullas leprae, medio aevo praevalentes. †)

Plus minus causa sic dicta (hoc loco scorbutus), morborum cutaneorum formis peculiarem queudam characterem inprimere videtur. Hic quidem plus minus uno et altero vel pluribus symptomatibus manifestatur, videlicet: resoluto quadam et ad decompositionem putridam propenso humorum massae habitu, cute modo laxa magis, modo rigida, sicca et defoliabili, facie aegroti, procedente cachexia, collapsa, quae in colorem sub-flavum sub-viridem vel sub-coeruleum vergit, maculis minoribus aut majoribus, communiter irregularibus, sub-flavis, subviridiibus, discoloribus vel subcoeruleis, quae serius nigricant vel prorsus atrescant et, cum evanescent, rursus per colorum temperationem quandam sub-coeruleam, sub-viridem vel sub-flavam in colorem cutis sanum transeunt, tumore ex-

\*\*) Hensler in der Vorrede l. c. pag. II. seq. Arbo l. c. pag. 5 sqq. Pfferkorn l. c. dag. 33.

\*\*\*) v. Martius l. c. pag. 68.

\*\*\*\*) Strambio l. c. p. 49 sqq. Jensen l. c. p. 38 sqq.

†) Hensler l. c. pag. 171.

tremitatum, tabulam referente, circa malleos pedum et carpum, qui saepe eruptioni macularum supra commemoratarum praegreditur et ex parte sedem suam in cute figit, cum cordido-flava harum partium tinctura consociatus; dictarum macularum seniori in ecchymomata et ulceræ transitu, quae posteriora partim ex his, partim e tumoribus mollibus, sub-coeruleis, cito e cute se attolentibus, vel e fortutis cutis laesionibus, quibus character scorbuticus, jam supra descriptus, impressus est, ortum ducunt; putrida gingivæ conditione, halitu foetenti, eo quod dentes laxi sunt, atrescant et excidunt, cutis leucophlegmatia et oedemate, denique senioribus temporum intervallis, ubi jam scorbutns penitus exultus simul obvius est, sudorum frigidorum, glutinosorum, imo sanguineorum praesentia, quae symptomata omnia dyscrasiam scorbuticam satis superque comprobant.

Libri sequentes hac in commentatiuncula sunt citati:

Dr. August Gottlieb Richter specielle Therapie, herausgegeben von Dr. Georg August Richter. Berlin 1821 — 26.

Dr. Wilhelm Andreas Haase. Ueber die Erkenniss und Kur der chronischen Krankheiten des menschlichen Organismus. Leipzig 1820.

Dr. Jacob Lind's Abhandlungen vom Scharbock nach der 2ten Ausgabe; aus dem Englischen übersetzt von I. N. Pezold. Leipzig 1775.

Dr. Franz Milman Untersuchungen über den Ursprung der Symptome des Scorbuts und der Faulfieber; aus dem Englischen übersetzt von Lindemann. Berlin 1795:

De curandis hominum morbis. Epitome praelectionibus dicata Auctore Johanne Petro Frank. Mainz 1795.

Die Hautkrankheiten und ihre Behandlung, systematisch beschrieben von Robert Willan, aus dem Englischen übersetzt von Dr. Gotthelf Friese. Breslau 1816.

Practische Darstellungen der Hautkrankheiten nach Willans System bearbeitet von Thomas Batemann, aus dem Englischen übersetzt von Abraham Hanemann. Halle 1815.

Thomas Bateman Delineations of cutaneous Diseases,

exhibiting the characteristic Apparatuses of the principal genera and species comprised in the Classification of the late Dr. Willan and complementing the series of engravings begun by that author. London 1817.

Description des Maladies de la Peau par I. L. Alibert Paris 1814.

Précis théorique et pratique sur les maladies de la Peau par M. Alibert. Paris 1818.

Drey Abhandlungen von den Kennzeichen, Ursachen und der Heilmethode der norwegischen Pest (oder Radesyge) von Arbw Mangor und Pfeiferkorn, aus dem Dänischen mit einer Vorrede von Philipp Gabriel Hensler. Altona 1799.

Abhandlung über die krimische Krankheit und deren ärztliche Bebandlung von Dr. Heinrich von Martius. Freiberg 1819.

Dr. W. X. Jansen de Pellantra, morbo in mediolanensi ducatu endemio. Lugduni Batavorum 1788.

Cajetan Strambio's Abhandlungen über das Pellantra, aus dem Italienischen von Dr. Carl Weigel Leipzig 1796.

Dr. Philipp Gabriel Hensler vom abendländischen Anssatz im Mittelalter nebst einem Beitrag zur Kenntniß und Geschichte des Aussatzes. Hamburg 1790.